


國立故宮博物院珍藏

清代起居注冊

光緒朝
第六十三冊



清代起居注冊

光緒朝 第六十三冊

期限

于下列日期前将书还回

古宮博物院珍藏

光緒二十七年正月下	三一九九
光緒二十七年正月下	三一九九
光緒二十七年二月上	三二〇二
光緒二十七年二月下	三二〇二
光緒二十七年三月上	三二〇五
光緒二十七年三月下	三二〇五
光緒二十七年四月上	三二〇七
光緒二十七年四月下	三二〇七
光緒二十七年五月上	三二一〇
光緒二十七年五月下	三二一〇
光緒二十七年六月上	三二一三
光緒二十七年六月下	三二一三

清代起居注册 / 光緒朝 / (清)徐致祥等奉敕撰, --
 民國76年：臺北市，聯合報文化基金會國學文獻館印
 行，影印本
 80册 21公分
 據國立故宮博物院藏手稿本影印
 聯經出版事業公司總經銷

I. (清)徐致祥等奉敕撰

654.77/7974/76

NT\$ 68,800.00

76.02.0650

.6500113

清代起居注册 光緒朝第六十三册

資料提供者 國立故宮博物院
 景印者 聯合報文化基金會國學文獻館
 發行人 王必成
 發行者 聯經出版事業公司

臺北市忠孝東路四段五六一號
 電話：七六三一〇〇〇一六九五
 郵撥：〇一〇〇五五九一三號

行政院新聞局登記證局版臺業字〇一三〇號
 保有版權·翻印必究

中華民國七十六年二月初版

光緒朝共八十册
 定價每部新台幣六八八〇〇元

光緒二十七年歲次辛丑正月初一日戊辰

是日

起居注官宗室毓隆王墀

031930

初二日己巳內閣奉

諭旨向來順天直隸各屬被災地畝於新正加恩分
別蠲緩錢糧以恤民艱上年畿輔一帶地方不靖
尚未查明具奏惟今春青黃不接之時民力更形
拮据實深軫念著李鴻章即飭藩司迅速查勘應
如何酌量辦理之處分晰具奏候旨施恩用副履
端布聞嘉惠畿疆之至意

是日

起居注官宗室毓隆趙尚輔

初三日庚午內閣奉

諭旨甘肅布政使著何福堃補授暫行護理陝甘總督潘效蘇著補授甘肅按察使又奉

諭旨此案首禍諸臣昨已降旨分別嚴行懲辦茲據奕劻李鴻章電奏按照各國全權大臣照會尚須加重懇請酌奪等語除載勛已賜令自盡毓賢已飭即行正法均各派員前往監視外載漪載瀾均

定為斬監侯罪名惟念誼屬懿親特予加恩發往
極邊新疆永遠監禁即日派員押解起程剛毅情
罪較重應定為斬立法業經病故免其置議英年
趙舒翹昨已定為斬監侯著即賜令自盡派陝西
巡撫岑春煊前往監視啟秀徐承煜各國指稱力
庇拳匪專與洋人為難昨已革職著奕劻李鴻章
照會各國交回即行正法派刑部堂官監視徐桐

輕信拳匪貽誤大局李秉衡好為高論固執釀禍
均應定為斬監候惟念臨難自盡業經革職撤銷
卹典應免再議至首禍諸人所犯罪狀已於前旨
內逐一明白聲叙矣又奉

諭旨許應騷等奏大員病故代遞遺疏懇恩賜卹一
摺署福州將軍湖北布政使善聯由部屬簡授外
任洊擢監司上年署理福州將軍均能稱職茲聞

溘逝軫惜殊深加恩著照巡撫例賜卹任內一切
處分悉予開復應得卹典該衙門察例具奏

是日

起居注官宗室毓隆三好

初四日辛未內閣奉

諭旨本年輪應查閱福建等省營伍之期福建即派
許應騤浙江即派余聯沅廣東即派陶模廣西即
派黃槐森認真查閱各省營伍闕繫緊要各該督
撫務當盡心簡校毋得視為具文其有技藝生疏
老弱充數及軍實不齊等弊即將該管將并據實
嚴叅毋稍瞻徇又奉

諭旨上年山東被灾各州縣業經分別蠲緩錢漕小
民諒可不至失所惟念今春青黃不接之時民力
尚恐拮据亦經袁世凱將濟甯州等屬上忙新賦
緩徵奏懇恩施已照所請行矣該撫即按照摺內
所開莊村地畝及緩徵分數刊刻謄黃徧行曉諭
務使實惠均霑毋任吏胥舞弊用副朝廷始和布澤惠愛元元至意奉
諭旨巡視中城御史文璟陳壁奏舉劾屬員一摺揀

發副指揮現署中城指揮丁惟忠既據該御史等
奏稱操守可信電勉從公辦理局務尤為得力著
傳旨嘉獎六品銜中城吏目邱廷榮縱役擾民規
避狡猾著即行革職永不叙用揀發吏目周壽桐
性情疏懶難其振作著歸部候選毋庸留城以示
勸懲該部知道

是日

起居注官宗室毓隆趙尚輔

初五日壬申內閣奉

諭旨上年山西陝西被災甚重適值駐蹕差務較繁
河南亦有偏災且係運道所經均不免藉資民力
業經該撫等奏請分別蠲緩錢糧小民諒可不至
失所惟念今春青黃不接之時民情恐形困苦著
錫良岑春煊于陰霖即飭各該藩司迅速查勘應
如何酌量撫恤之處分晰具奏候旨施恩用副朝

廷陽和布闐嘉惠黎元之至意

是日

起居汪官宗室毓隆王塋